

摘藻堂四庫全書薈要

集部

欽定四庫全書會要

集部

御製詩二集卷二十九

二十九

詳校官原任編修臣徐立綱



欽定四庫全書薈要卷一萬三千三百四十六

集部

御製詩二集卷十九

古今體一百九首

庚午六

夏日瀛臺

雨足旋清禁詰旦將視朝勤政敢刻懈典禮期時昭取

便憩瀛臺波光漾綺寮漲添魚鳥樂地靜松柏喬圖雲
延閣迥却暑涼風招補桐已森翠團陰覆芳翹夏日讀
書處景光昔匪遙

自高梁橋泛舟過萬壽寺至昆明湖之作

夾岸輕籠綠柳陰
進舟川路霽烟沉
有時送響新蟬急
無礙沿洄漲水深
古寺小年付僧領
西山秀色待人尋
近耽湖上風光好
雨後空明儘暢吟

招隱詩

昔人此作欲招隱者而去予是什欲招隱者而來
且以崇實去文亦可謂之反招隱而非同康琚寓
意云爾

招隱有成例東帛蒲輪徵其實多難副欲隱乃炫名吁
嘻更甚者復以充隱稱世變風愈下矯託非人情所以
安車求不聞在虞廷股肱佐元首喜起歌載賡我欲闢
四門天衢坦蕩平拒人曷其可曲已有不能庶幾兩不
失冀得真俊錯薪之子思肥遯幽人貞富貴圖誠小
致澤量應宏待價韞匱答未難荷蕢征苟其有耽心朝
野何殊程

荷

弄影真宜太液中
羣葩管領鬯薰風
裁瓊作蓋辟塵綠
曳綺為裳却豔紅
靜與心謀寧有色
香生鼻觀亦無空
水亭晝永延清爽
景會依前興不同

熱

不雨畏炎熱
穉苗恐難支
雨足熱亦得
德暑惟其宜
黍田普霑潤
所藉暘以時
身燠心則適
較前情頓移
宗軒况延涼
八面來輕颺
南畝力耘者
灼背渠寧辭

泛月

心怡覺景好行樂瞻蟾河薄暮斂霽霞入夕含烟波煩
暑蘭塘消輕涼葛衫多奏響岸依竹送香舟度荷寄懷
屬月鏡延詠欣星羅

夜雨

半睡窓前夜雨稠微涼枕上颯如秋芭蕉也覺添清響
適日森森綠玉抽

點滴簷聲濕砌苔滌炎六月正時哉繁憂早釋清無寐
一晌閒心憶向來

詣靜安莊酌酒

先皇后仙逝頓經二十七閱月茲以皇子等釋服之
期親臨致祭感星霜之迅邁思窈窕以難追一瞬
驚心五言誌痛

舊恨千秋永新昌兩度妍望幃神黯爾舉爵淚潛然兒
輩臨祥禫予心警歲年重繾孫楚什不忍讀終篇

喜晴

霖雨頻渥霑黍稻均怒長時若正宜暘邇日晴未放叶

永定遭漫溢賑救不惜帑築隄始安瀾南望縈愁想癡
雲漸露空朱日旋騰朗豁然天宇開吾心與俱廣

晏坐

處士小年真放達朝臣退食亦委蛇今朝事簡休閒早
晏坐於心稍自怡

時哉行

時哉時哉一瞬不住源源而來苒苒而去去者不可追
來者詎能駐三萬六千場瞥眼如茲度欲肆志及時以

行樂志既不可肆樂亦安能久達者遁跡於山水放者
寄情於詩酒二者又難適從茫乎吾誰與同堯兢兢舜
業業孔皇皇叶是吾師也猶不免吾敢希將怒愁遣

恭奉

皇太后御園賞荷之作

快霽林塘景倍嘉斑龍

王母降仙車冰盤玉潤千年果鑑水霞蒸五沃花稍幸
雨暘符肅又得陪

色笑賞芳華雙成雲裏休疑顧暫借西池此作家

黃葛篇

種葛生黃葛繇繇花蔓活美人手把金錯刀露裛珠光
向烟割採之緝之為締綌裁作生衣暑難奪締綌雖嘉
所值無多禦暑則可禦寒則那魏徵不願為龍逢比干
而願為稷契臯夔亦將有所懼乎抑亦未之思

聞蛩

六月十九日

振羽聽莎雞夜涼風露淒不須聞繼響一響百情悽

移竹

三庚好移竹千竿輦脩玉過雨潤到心延風清滿目疎
稱倚窓前密合圍水曲蒔矮近高阜列長傍低澳位置
各有宜片時盡得之量材以官人曷其異於斯竹易人
則難吁嗟乎吾思

漁陽槁

漢陽天地蘊竒處往往卓犖出豪英蹀躞鼓史纒三槁
至今逢逢聞其聲傷哉鸚鵡遭網羅得無招忌蜚盛名

黃祖固褊急曹瞞實伎者於晉稱良史書盾穿乃舍

喜晴

望雨纔過旋望晴休徵艱致意怲怲愁懷幸共膩雲散
清興端隨爽氣生近傍林亭尋嘯咏遙看黍稌利耘耕
階前花鳥爭暄景今日迎人總暢情

文徵明墨梅

貞白是本性丰姿有別調不可作梅觀停雲自寫照

日影

膩雲韜曦輪浩蕩無開期祝融疾太甚借得西風吹
霽盡標去纖絮不留遺朱鳥翩然翔拂我若木枝晃朗
騰清暉森颯含爽颺祛溽解蒸濕宜暘利耘耔叶上階
花影新北陸旋南移累榭迥且敞八面窓琉璃讀書道
趣生對景佳興來叶夏日故可畏正有可愛時

題王穀祥水仙圖

澹染檀烟薄著綃泉清石白間飄蕭暗香疎影何輸遜
雅蒜天蔥太琢雕

生秋庭作

虛庭景色颯含金
皎日清風拂竹林
襍卉晞陽爭葳絢
喬柯得蔭亦森沈
鑑池朗印塵俱淨
畫壁周遮興可尋
今日生秋閒屬詠
平添爾許向秋心

和杜甫遣興五首

首句皆仍其舊而意自別

天用莫如龍用吉
見无首變化故莫測
神功在不受憑雲
乃自為櫻鱗亦何有
豫且得制之是宜慎
所守

地用莫如馬水行不如舟
物各有所長乖宜失良謀而

况鮮伯樂鹽車老死休舉肥肉脹羣常裝金絡頭

陶潛避俗翁避俗亦避世柴桑樂無悶自著桃源記肩

輿命二子偶顧亦何害叶杜陵忠厚人箇翁乃深刺

賀公雅吳語老大故鄉迴兒童不相識問客何處來可
以喻宦况浮雲何係哉山陰泉石佳濁醪常滿杯

吾憐孟浩然蓋亦一作者君固未已棄已則覺君舍浩
蕩襄漢間曲高和者寡幸有同心人清辭譽風雅

青龍橋

青龍橋北落漲痕青龍橋西翁綠原黍高稻下皆怒長
暑雨快霽晞朝暎交風懷新豈易致經予旦夕縈愁煩
年來大田幸有獲酬以慰慶西成間即今消息復可冀
還靳暘雨時寒暄

夏日香山

蘿逕闢雲關幾餘偶趁閒來消三伏暑坐對一房山籟
度松梢謾流經澗曲潺此時心應去聲適陡復憶民艱
此熱不可少山中爽亦多延風開北戶對景秩南訛呼

侶禽窺樹攜兒鹿度坡還憐夏畦者勞瘁復如何

雨香館

山齋尚樸綠天叢虛受延涼面面風書案墨林千嶂外
犁雲鋤雨一窓中峰含畫意似懸軸澗有琴音不藉桐
頗識山深秋信早倒崖楓葉兩三紅

致仕侍郎沈德潛具摺請安并錄進詩文稿賦此
賜之

興居封事寄南雲快讀新詩益慰欣起我七言還借爾

嘉卿一念不忘君
黃山雲海觀何壯
德潛今歲尚杖策登黃山
綠野林泉咏更芬
為語餘年勤愛護
來春吳會共論文

山雲

山雲空入凌雲戶
拂拂涼絲度山雨
最高樓閣出雲表
變幻須臾迷處所
下視村落紛林莽
座側飛雲覆平楚
彼有人焉望此間
應訝雲中見爾許
妙哉竒景真曠觀
却愁下土商羊舞

望晴

喜晴纔六日愁霖復連朝憶昨從香山夾路看良苗便
雨未為害况復滋新菴云何腸展轉不解予煩焦所慮
在永定漫隄築未牢此時不放晴盛漲何時消哀哉固
邑民風雨所漂搖賑卹詔屢頒補救心頻勞萬戶苟失
安九重豈足驕晚來西北風浮雲碎欲飄簷喜乾鵲鳴
池斂官蛙囂宜暘願及時南望心神翹

七月朔日作

靈景騰清曜

皓天符金行仰睇浮雲破廓然放午晴好風西北來襟袖一以清愁霖見日影頓覺慰快并今年節候遲秋餘

七日程

是月七日立秋

孟朔應嘉占吾將盼西成

昨夜積霖暴展轉愁不寐應為半年判洗我煩憂萃

今年

自春徂夏常覺煩勞

曰无往不復吾聞之周易

叶

新秋纔上日便

得逢開霽豐隆尚留戀積重有餘勢徐散歸其岫遙峯已森翠傍晚蟬聲亮

蒼旻舒爽氣瞻望益屏營宜暘仰

鴻賜

護

葉抽蔥綠瓣煩黃墻角含風灩露光鶯下林窺疑借色
蝶飛叢出不霑香義傳爾雅誰家疏詩詠衛風第幾章
我自先憂憂慣者縱教樹背那能忘

銀漢

銀漢欲斜傾秋宵色倍明浪傳西蜀到不共海潮盈玉
斗萍疎點金風浪細生黃姑相望處幽恨未能平

熱

祝融餘景逼蒸熇煽炎威仰視浮雲斂朱鳥騰晶輝大
地既沮渟溽暑茲其時燠亦豈可無所慮雲復滋傍晚
轉淨散幾縷明霞披憂懷始少間額手感無私此後儻
宜暘西成庶可期憂喜總因民匪為一已謀叶視民厘
如傷文王實我師

泊舟乘涼

雲斂長空碧宇蒼泊舟磯畔試乘涼風來水面含新爽

樹張

去聲

清陰送夕陽

金風徐拂綠楊條
暑氣能餘幾日驕
略得心怡憂轉繼
渾河曾否漲痕消

菱花淨拭木蘭恬
一刻能消一日炎
秋意今朝知幾許
素蛾纔掃半眉纖

西北風

昨盼西北風時作時復止
今朝乃暢然吹萬勢未已
殢雲向難開破碎刺幾縷
叶應律奏金音驅暑含爽氣
叶

皎日騰清暉溽煬一以洗雄風詎獨予快意逮閭里宜
暘利大田送馥暨雜蕊春時望一犁頗怨驅雲去叶及
恐霖為灾驅雲仍賴此鳴條本無心習習何憂喜

新秋討源書屋

書屋俯清流金風潦水收庚餘三伏末霽快一天秋蓼
影澄瀾漾花香曉露浮啓編心始獲為解憫農憂

秋英十詠

秋蘭

三時不比此時馨紉佩沅湘合擅靈寓意騷人吟不盡
秋蘭終古只青青

玉簪

砌頭墻角自婆婆瑟瑟金風清馥過底事月明難辨色
盛鬢斜墮自嫦娥

金錢

應嗤榆莢欠風流稜郭圓成買斷秋王衍便教嫌阿堵
可能對此不迴眸

雞冠

濃豔當秋別作春
籠煙泣露自精神
笑他絳幘標名字
茅店何曾解報晨

鳳仙

昂藏態發色離披
引蝶潛蛩兩不知
萋萋葦梧枝團蔭處
應教比物入周詩

秋葵

聞道秋葵解向陽
緣階何限仰陽光
若非普照無私德

朶朶分光也太忙

牽牛

夏町春田力作過籬邊
閒喘月涼多此花應是黃姑種
為到秋來早度河

白蘋

淶水汀洲演漾秋
西風波面任飄流
誰知點點星星裏
千古騷人寓盡愁

紅蓼

那論深紅更淺紅
水濱吹老鯉魚風
汀荷敗綠江蘋白
著點容華媚鏡空

蘆花

采蒼沙岸漾風淪
合著孤舟理釣綸
愁殺杜陵蘿月下
相看一例白頭人

題錢維城山水

峰為師子蹲瀑是鴻龍
舞設匪梅檀林定擬瓊
瑤圃結
宇卜幽棲伊人真得所

晚晴落照

湘雲徂已弱金風吹正健
白帝肅車輿預日先傳信

日明

秋立下春朗西山明霞色殷
緡輝天爭日麗瑩波延月印

蟬噪綠梧高蝶翅紫蘭噴
宜暘既愜懷樂賞秋光嫩

七月七日立秋

秋色復秋聲人人秋意生
剛傳新爽入便喜普天晴
白帝誠知節黃姑若遣情
晚來仍渡漢露重一鈎明

古別離

古別離乃有天上牽牛織女星分歧至今八萬六千會
後會滔滔無止期可憐一會纔一日其餘無央數日何
以消愁思古別離天上猶如此人間可例推設使無會
晤安用苦別離古別離長吁嘻

董邦達谿山清曉圖

天澹雲閒今古情新圖即景益分明爽澄蘭沼波吹細
風度松林籟泛輕白帝精神昨夜入虛堂颯沓此時生
四家六法何須論領畧當前妙趣呈

詣靜安莊奠酒

恭奉

皇太后懿旨以中宮久虛宜行冊封之禮歲月既易吉
慶銜臨勉遵

慈諭益矐

芳蹤將頌明詔奠以申懷

鸞車邈仙踪彤管垂思媚齊眉予夙願續絃誰所致上
以奉

慈寧下以率九位惟此蘋蘩重義不容虛置十行竚頒
詔百感紛縈思彷彿鳳幃前翻然來相慰

新秋瀛臺

新秋問景駐瀛臺
霽宇澄空鏡影開
襟卉環階偏得意
却從何許度愁來

玉泉山曉秋攬景

誰道秋光易感悲
秋光亦有助歡時
風疏密樹心俱爽
雲淡高空意與遲
勒壁詩情覘歲月
環階水態淨襟期

山齋小憩方成句又報花間晝漏移

心遠閣作

香山未卜居看山時到此靜宜既成園靜明希戾止喜
新而厭舊俗情我胡爾今來忽曉秋快晴風日美憶我
邇年間愁多罕遇喜一晌值清閒肯孤名山水拈毫覓
舊題蒙茸蘿霧裏

禱和唐元稹東川詩四首

有序

偶閱微之詩集見東川諸作喜其辭高而意遠微

之自序為白行簡手寫者三十二章而自錄者惟
七言二體凡二十二首夫詩人騷客憂愁幽思遭
際患難貧賤發為葩辭以舒其憤懣故其詩樂者
讀之而可歌悲者讀之而可泣也予則何有焉然
結習所在正復難忘襍和四章聊適一眵

亞枝紅

百花都解亞枝紅獨許緋桃占化工
桃葉成陰臨碧渚渚花紅尚傲西風

江花落

臨水秋花水面荷
西風颯沓落英多
歸著處同生處異
不曾分別碧江波

好時節

春末夏初三尺雨
暑闌涼早十天晴
似茲時節真稱好
每望難逢意轉怍

夜深行

夜深猶自繞階行
不是徵歌及選聲
十五年來惟一意

晴多期雨雨期晴

泛月

夜夜素華流嫦娥應愛秋冰光寒不濕鏡影注還浮荷
度遠香細蛩添暗響稠中年情味別對此喜兼愁

中元日御園放河燈

恰惜秋湖見敗葉金蓮萬朶霎時舒漂風不謝光無定
奪月常浮艷有餘梵唄于孟蘭初夜舉中元燈火二年疎

前歲有孝賢皇后之事去歲於避暑山
莊度中元節御園未放河燈者蓋二年矣
陡思避暑山

莊景詩稿重看隔歲書

題董邦達山水卷

浮嵐暖翠

嵐烟浮動翠屏橫
山水之間寄逸情
童子抱琴閒覓句
風流活脫謝宣城

秋水蘆村

藤蘿石上月含涼
秋水長天溯渺茫
宛在伊人何處是
蒹葭采采復蒼蒼

遣興放言

一言而喜一言怒斯人未與道為俱無端而憂無端樂
斯人未與天為徒趙北水灾洛南熟一時披覽郵傳書
喜在彼兮憂在此俄頃意改何居乎况乃昨近望晴切
偶見雲縷生嗟吁金風奏爽清暉懸對景不覺雙眉舒
安能長得雙眉舒樂天下之樂者憂天下之憂叶嗚呼
此憂兮孰能解予

題錢維城生秋畫卷

颯颯梧桐爽籟吹雲閒天淡早秋時歐陽有觸曾成賦
宋玉無端獨解悲荻穗白初含退潦蓼花紅尚戀明漪
生秋庭畔披新卷今昔關情有所思

霧

金行宜肅爽胡然雲屢作溽暑究已退晚每殷霞脚予
意慮蒸霖有礙南畝穫嘉種近西成秋陽望時暴今朝
喜薄霧兆晴氛漸霽卓午果朗然清輝懸煜爚金風忽
颯沓郢氣已澄廓公超術信靈豐隆勢已弱慰意對高

秋屬吟寄所託

桂

露重檻風涼迎階綠間黃中

去聲

秋先報節隔歲入吟章

塞外行園率隔歲一舉是花未至塞外故云

一例臯塗種偏依楚畹芳誰曾

到蟾窟此處滿天香

晴

小雨便開晴真教暢快生高秋森爽氣新穀兆西成暑
退濃陰轉雲徂遠黛橫昨來愁致澇今始稍紓情

題董邦達山水十六幅

幽谿獨眺

散步迴谿上，谿烟谿遠眸。
妙機窮不盡，底用上高樓。

松竹雙清

高社結雙清，山旁水之涘。
問誰乃宜茲，大夫與君子。

池亭清暑

心淨能清暑，曾聞白樂天。
疏軒閒筆硯，池上早成篇。

樹杪飛泉

疎樹不成林無風自靜深飛流閒作響譜入伯牙琴
澄江汎艇

葉下洞庭波挈舟風月多不知兀坐者所寄得於何
虛亭秀色

一亭及一峯足占無邊秀何須論尺絹盤礴勞結構
秋嵐霜葉

錦林扶翠嶂詩意與秋高紫微已絕詣何必更拈毫
寒林策蹇

詩人慣得句畫客漫成圖彷彿襄陽孟尋梅興不孤

高崖傑閣

飛閣構層巒其下臨無地今朝趁少閒結攬江天意

雲際濤聲

溪聲在松下濤聲在松上高人如太冲軒軒逸興放

夏山初雨

是處畫雲山皆云大小米試問海岳前有景誰傳是

扁舟載菊

懸厓如赤壁短棹泛秋湖著箇瓶簪菊防人道擬蘇
林徑攜筇

林徑喜秋晴攜筇步屨行江淹如擬古興在謝宣城
秋樹含暉

丹楓四五枝白石三兩片秋日朗朝暉晶熒含峭蒨
谿閣閒凭

虛閣誰家子凭欄俯碧流喜者見謂喜愁者見謂愁
疎樹遙村

霜柯不礙日寒村見茅屋欲去訪幽人坡陀凡幾曲

仲秋瀛臺

仙家樓閣迥宜秋瀛海瑤山翠欲流風月清華嬴四季
水天朗澈繞三洲露浮金掌涼初動雨過銀河暑盡收
塵世景光難入詠崇情只擬廣寒遊

白玉杯

出璞色如脂成杯圓中規琢磨工有緒古樸製無竒堅
白誰騰說廉貞我欲師流霞曾不泛禹訓已昭垂

承光殿即景

金源喬木蔭松槐簇就團圍七寶臺
太液秋風窓裏挹
西山顥氣座間來墨壺琴薦俱堪撫
閣漏階籤且漫催
馥郁天香飄桂子此花雅合月中栽

齋居

齋居值仲秋

方壇臨次祭閭闔秩金黻豐歉籌農計
西成定大局二
脯猶中歲春早夏繼澇此獲實意外叶
宵旰慰憫憂慙

惶感

明賜瑞玉將報

貺靈鼓方調氣
今秋已云徂
來年願如意

題李世倬山水卷

蘚砌新秋有落桐
紗幘却暑尚耽風
石欄干外明漪皺
猶見殘荷著意紅

玉枕

素撲獨無文
龜茲製出羣
何人真截玉

白居易詩
角枕截寒玉

高

士可眠雲漫作邯鄲想誠堪翡翠焚淮南傳秘訣曾以
不聞聞

題李勉玉泉琴

王孫位將相侃侃持正議榮顯非所耽自號幽清士

叶

平生善鼓琴雅尚還自製范桐成茲器歲月猶親誌

中池

刻唐肅宗丙申年月有八日咸陽樂
幽清士李勉捐俸鑄造廿有二字置絃一攬醴玉泉

聲尚沸因憶響泉磬豐劍今何寄重人匪重物望古興

遐思

新月

急就西移為轉東情知數轉便應中素娥盼節興心別
詩客賦空不語同半魄旋飛榆樹杪微香已度桂花叢
露涼風靜雕欄畔小立依然箇影隴

鄒一桂秋英卷

派接徐黃江左鄒寒英設色足風流紛開木本及草本
底論深秋與淺秋蝶欲黃而猶待染葉將紅者未曾收
玉欄金井休開展猶恐霏烟露欲留

尚書蔣溥奏進所刻御製詩集書此誌懷

伊余有結習對時耽屬詠賦詩何必多杜老言誠正况

乎居九五所貴行實政享帝虞舛缺綜錄予所命

自丙辰迄

丁卯所作詩已積有四千餘首上年曾命翰林中書等分卷繕寫殺青匪素志既成姑

亦聽裒然宛成帙十二年言行其間憫農切今昔頗可

証治未臻唐虞志徒希賢聖他年諷茲什慙否復難定

董邦達楓溪觀瀑圖

從心不踰矩得意可忘筌堪識此圖妙休將六法詮高

人宛濠上飛瀑自雲巔楓葉落英似武陵然否然

萬壽日題

有序

庚午八月十三日為朕四十壽辰廷臣以慶賀筵
宴為請者槩弗許并降旨禁各督撫朝謁然

慈寧行禮正殿受賀與夫乾清家宴例不可缺頃因遵
奉

懿旨繼冊中宮嘉慶淳臻禮儀既具邈然憶向豈忍諸
懷且左顧九列都無與朕齊年者矣因用杜甫藍

田九日之韻漫題近體聊亦寓意云爾

淨斂湘雲碧宇寬
宜暘嘉與物皆歡
中宮初正名偕位
萬壽齊朝衣與冠
有憶那忘桃月節
無言閒倚桂風寒
晚來家慶乾清宴
峴眼三年此重去看聲

古玉卮

峯山良種瑕不匿
磬口徑圓逾周尺
古人之器君子德
千年煥發光而澤
緣底細纈流霞色
青蓮醉此三百石
貯之溫室雄虹射
六清醴齊浮未得
旨酒有戒古訓式

題蘇軾書金剛經卷

礦窟炎洲善比形

軾自識有人鑿山取銀礦至深處聞有人誦經聲發之得一人云吾亦取

礦者以窟壞不能出平生誦金剛經自隨每有飢渴即若有人自腋下以餅餌遺之殆此經變現云云

聊聊復寫金經三乘總出胸前出四句全提舌本青宿

世由來原佛子齊諧奚事說奎星燒猪佛印相勤請一

笑遺之換醪醑

中秋日即景

雨過晴空爽氣深興豪酬景一登臨自來都識團圓節

此際頻增今昔心
寶月光生滄海上
金風香在桂花陰
宜秋帖子當年咏
舊緒含毫杳莫尋

題倪瓚設色水竹居圖

疎林淡墨倪迂法
寶笈常收紀有詩
設色蒼然宜水竹
雄渾筆合薄黃癡

王蒙秋山草堂圖

靜看黃鶴山樵畫
神蘊錦里高人詩
兩行秋樹紅復綠
獨拔中峯參且差
意行水宿皆適性
谷粒坊芹可樂飢

茅簷把卷何為者此間奚必重題詞

御製詩二集卷十九

欽定四庫全書薈要卷一萬三千三百四十七

集部

御製詩二集卷二十

古今體一百八首

庚午七

秋日奉

皇太后時巡以繼冊中宮先謁

二陵遂幸嵩洛發輶京師即景成什

氣爽秋宜狩天高吉撰辰自來傳警蹕都覺有精神
揭露滋蘭埒龍旗出鳳墀

大安輿敬奉中壺制重陳

冠劍瞻依近頻繫謁拜新觸懷愉以戚問俗富還貧念
結嵩陽麓吟期洛水濱傳聞今歲好便往閱高困

過潞河

潞河潦雖退平川水猶漲以此例永定狂瀾詎能障黍
莖帶沙痕結穗欠豐壯景異向所觀憑輿增悒快頗有
為解者云此河灘上本為水由處人不與相讓於茲得
免潦高田恐無當我聞吁益輦何莫非吾民使人有餘

地孰與水爭利高下皆獲收吾願其少酬

朝鮮牛

牛有性懶者服重行數里便卧莎草畔鞭撻亦弗起有
適朝鮮人媿媿言所以云惟朝鮮牛習勞每異是負載
不辭疲領穿亦前耳但遭疾疫行空羣多病死不如性
懶牛遇疫活者有叶福善而禍淫竟難諶此理

涼

野甸清宵景向涼行人欲換葛衣裳協時始覺臨秋仲

獲稼行看築隴場
叫草蟲聲含露意
漏枝蟾影淡烟光
依稀昨歲關山外
吟倚離宮夜漏長

過三河縣道中作

此處山溪喜順流
蒹葭兩岸潦澄秋
農夫鉅艾相逢問
尚幸岡田過半收

始愁早已繼愁滂
忽忽渾忘歷歲時
華黍香風披馬上
今來稍覺一舒眉

白澗行宮晚景

離宮颯秋風古廟森虬柏蒼然暮色暝蟾光露林隙梵
唱隔墻聞清機引無數鐫題在壁間拈吟復今夕

涼

午熱昨朝劇心欣利晚農秋涼今曉峭人喜適行蹤山
逼風多勁天高露更濃本無題句意頻奈妙題逢

望盤山口號

常時望見田盤翠馬上馳情得句頻一自山陽開別墅
較前情更十分親

題翠雲山房

翠雲山房我所喜言之不足長言之林猶隱葉秋禽語

峯不藏形白鹿窺昨憶春風吟月色

去歲春初駐蹕

近收王蒙

圖杜詩

近有題王蒙秋山草堂詩

寄語蒼岵及綠樹何能爾許引清

思

恭謁

孝陵

佳哉氣鬱葱啟萬帝圖鴻歷數方歸

聖指揮始自東金甌
貽後澤石馬紀前功
追遠心恒凜
還因樹厚風

恭謁

景陵

音容心永識

德澤夢難忘
詎敢空吟杜
奚當早識昌
念茲

欽繼序倬彼仰

羹墻孺慕

明樓下盈盈淚滿觴

桃花寺偶題

山館當秋一再過
蜃窓眺遠暢懷多
詎耽野景抒新句
且喜高田熟晚禾
階下泉聲答松籟
雲間樹色隱峰螺
縹緗挿架閒
繡閣愧較羲皇治
若何

小築雲軒幽賞存
田盤明日駐山園
何妨少許勝多許
不道無言超有言
風入單椒吟柏榭
露涼扁石淨琴樽
瀑飛九疊清音壯
便欲因窮雲外源

秋日奉

皇太后駐蹕靜寄山莊

卜築敞雲扃無過數日停
由來治人者豈可恣吾寧
秋日烟霞潔仙山草木靈
以茲奉

慈豫延壽萬千齡

紆蹕駐山莊中秋過半強
林姿疎間密峯態翠含蒼
出峽泉猶壯度松風已涼
稍停謝公屐書史靜徜徉

寄題雲罩寺

盤山向我如無語我到盤山必有詩
舊歲登臨最高處
白石綠字鐫清詞
今來遊歌宿兩日
高處風寒姑不必
倚窓逸興已遶飛
又寄新題隣舊律
今今昔昔往復還
阿誰心閒果是閒
詩成擲筆大笑道
讓爾千秋占此山

錢維城遠澗泉聲圖

田盤構石室素壁著成圖
映發山容秀縈迴水態紆
縱
眸遙箔外側耳靜琴俱
畫境相參處難分殊不殊

松

枕石綠髮蒼顏是松不及此間求諸古人誰似黃綺合
在商山

雲林石室

詰屈蘭椒路轉通到來石室碧雲叢秋山留得夏山綠
柿葉先於楓葉紅千朶峯蓮入葱蒨四垂天蓋倚崆峒
鑿崖竭詠昨秋句依舊時光默會中

秋英

秋英頗耐寒山中顏色好丁星泣露光綽約亂雲添蝴蝶

蝶大於掌栩栩幽叢繞所遇非世間應是烟霞表雙成
在瑤臺千年不知老

半天樓

高處為樓號半天田盤萬槩覽都全設無竒句堪酬景
但是凡人便合仙東指滄溟呼皓月北臨紫蓋鬱蒼烟
落來花雨渾無著卉歛罡風掃四禪

曉遊天成寺

仄蹊曉露濕叢蘭秋半金風了不寒石抱土生竒樹瘦

徑穿雲出小天寬
暗泉聲是東陽樂
翠柏舞為瑤島鸞
不羨仙都結遐想
每來初地愜清歡

西甘澗

迤邐盤蘚磴芬菲
逋仙藥嶺複見雲
關花宮隔絕壑風
籊自飄梵溪橋疑
度索草庵已幽絕
何必侈鴈閣山僧
八十翁長跪進所
作涉言即失之奚
論意指錯石室倚
繩床結攬興遐託
雲漿列亦甘吾將
事河酌

東甘澗

西甘路轉即東甘問景聊耽古佛菴領要何須較冰水
紛投真是擁青藍崇情果契妙中妙禪悅那逢慙者慙

慙山為田
盤名宿

小閣開窓秋宇淨向來吟緒箇中函

古中盤恭依

皇祖詩韻

聖日高懸紫蓋峯行秋駐蹕見

堯重闈黎七十能言舊方外還思

德有容

憩古中盤精舍

十笏纔強萬景收
坐來斐几憶前遊
雲嵐朝暮無恒態
况是今秋與昨秋

林天石海自重重
石罅霏天花紫茸
風送入窓風拂去
維摩無著著何從

繚白縈青最上層
鳥飛不到意俱騰
自驚竒句從何得
隱有山靈導我曾

桂

垂垂金粟亞盆閒花信遲因待此間

今歲中秋桂
花始半放

半放

別來逢盛放盤山却幻作香山

望少林寺

半天樓上開窓戶萬笏叢中望少林雲際梵音常縹緲
松梢塔影自森沈欣於所遇何空色樂在其間足古今
笑我閒愁經半歲何妨一餉空去聲塵心

石林精舍

精舍四圍環石林既幽且樸靜而深室中虛白無他物

几上蕭閒蓄一琴是處暢觀頗役目此間閱景足澄心
何來椽子庭前落亂蹋枝頭歸晚禽

賦得山氣日夕佳

名山有靈氣日夕更清佳峯黛銜羲馭壺蓮報酉牌霞
烘雲態變靄送谷寒皆暝色蒼烟合林聲天籟諧暮鐘
來嶺寺歸鳥下岩齋五字柴桑妙悠然興企懷

夜雨

山中欲雨雷勢怒暝色合雲失巖樹北風始送涼絲來

倒井須臾簷溜注
邇來午熱殊苦煩
滌炎添爽欣清暄
蕎麥未刈菜在圃
兼資樹藝利晚田
我昨登山向南望
低田潦水猶滉漾
佇待涸出播秋年
遊興未抵心惆悵
嗚呼何時雨暘遠
近時若慊吾心少
雨即止毋為霖

晴

夜雨生涼喜快晴
朝來天宇益晶明
千峯日耀芙蓉色
萬澗泉流琴瑟聲
蘿磴蒙茸含宿潤
麥疇指顧事新耕
我原後樂先憂者
不共幽人獨往情

池上居

竹柏妙神心山水樂仁智田盤蔚山秀合以水相濟飛
流有數派滙合入平地設法疊石岸為池半畝計苻添
莖易滋鯉鯉族頗備其上構雲房屨石波心至澄泓協
靜觀天半滄浪意

登半天樓

三日山莊三度登坐來逸興摠飛騰因知心是無窮蘊
怪底佛稱最上乘瀏莅天風吹萬竅傑池雲岫列千峻

於今始識田盤妙拔萃鍾靈擅獨能

冷然閣

雲構據霞標月天栖嶺復此中亦何勝千峯在吾目谷
口幽籟動冷然吹髮綠玉女洗頭盆可以供濯沐奚事
羨禦寇旬五勞僕僕

蟬

秋風太液已稀聲何事山中復嘒鳴應為重聽將隔歲
不辭鼓翼趁暄晴

攬雲亭

山莊最高處建亭名攬雲雲却在足底把捉徒云云長
嘯倩誰答秋空惟碧旻

八月二十三日作

山莊逢國忌默處罷游歌此日終身恨流陰睫眼過謁
陵方在即存劍竟如何

遺詔重莊誦心知愧處多

短歌行

陟巘行緩降原行疾兩足何心其勢乃必錙銖致富良
苦乃翁子弗克家坐致困窮從善如登從惡如崩古之
君子業業兢兢水東弗西日今弗昨少壯過矣老大迅
若間一知二賜亦稱賢創業較易守成則難

曉行

背指山莊碧巘嵬田盤三日豫遊迴前朝望處何殊勝
携得新詩廿首來

讀書

巡狩不廢學書史常相隨
駐蹕值清暇不厭往復披
腹笥我何有汲古堪消時
詎惟詞藻貴亦云言行資
內聖及外王大要豈外茲
迤已多抱慙空慙徒爾為

烟郊行宮作

小雨霏霏即放晴
離宮颯爽拂衣生
泱旬書室往迴景
幾樹庭柯今昔情
未覺名山助秋興
祇愁潦水誤春耕
行行此去臨嵩洛
千里民依次第評

南苑行宮謾題

黯爾傷懷竭爾思保陽迴蹕仲春時行宮靜攝期兒愈
秋日重經引我悲信矣萬緣都是幻絮哉七字復何為
玉蟲稠綴銀釭地似覩拈毫早淚垂

即事四首

南苑重經因便道

慈寧欽奉為承歡行宮一夜西風急侵曉秋光馬上寒

勤政孜孜敢即安封章隔日計程看

凡行幸隔兩日一
進本御史封事及

督撫奏摺皆隨本發而地方文
武及扈駕諸臣進見更不在例

今朝海子離城近引見

宣傳兩部官

是日吏部兵部引見選官

書齋研席洒然清
小坐依遲靜六情
晰理佩文心似昔
至今慙愧是躬行

竭吟陳迹是今春
此番

去聲

今春跡又陳
禁屠適值因停

獵制是

先皇重聖人

雍正年間有日為孔子誕辰

旨八月二十七禁屠宰至今遵之

題德壽寺禪房

開士幽居地
乘閒一憩尋
闍黎誰古若
澄景適今臨
砌

卉迷寒蝶庭柯隱夕禽憂欣何處是默檢向來心

秋海棠

卉譜翻將遍曾無不謝華春秋稱兩度今古只斯花草
木何須辨丰姿那更加金風經別館逸興引吟義

過盧溝橋

石橋跨渾波堅久誰所製過此為桑乾古以不治治築
隄詎得已

皇祖為民計經世未疏濬疏濬勞不易加以沙性淤騎

墻行必致今春清苑迴臨隄一親視叶束手苦乏策無
已示大意入夏霖雨溢遂告隄云潰南望彌感憂阡陌
成棄置賑恤豈有各排築籌次第秋分潦勢殺狂瀾庶
由地徒懷瓠子歌實遜塗山義

良鄉道中

郊原種穗尚豐餘歷覽閭閻氣象舒較比京東其勝矣
不知前路景何如

秋麥

被隴綠芊芊心欣見秋麥金王應時生含風露珠滴
茂早常年地濕淤泥墀我農良苦辛勞餘勤播植俗云
一麥地尚賴霑三白慰不抵愁多詎敢安玉食

良鄉行宮作并示直隸官

春月行旌駐節時青郊膏澤愜予私那知卜度誠難預
大抵憂欣摠若斯山地幸猶過半獲水鄉安免逋長饑

曰休曰助新頒旨

今年夏秋雨水過多所過京東州縣收成似較歉薄特降旨令豐收之處

仍照例蠲免錢糧十分之三其歉收之所加其善推行
恩蠲免十分之五并敕地方大吏善為經理

良有司

水碓

漩復溪流繞村曲
村人引水舂新穀
何必機心鄙
桔槔且喜西成中
上熟比擲長莖碩
穗垂場中仍有滯
與遺秋社飲餘免
饑色隣里雞犬還
孳肥道旁所見誠
慰喜既慰愁添轉
難已今年畿輔潦
者多未必村村皆
似此

半壁店行宮作

曲水環村儼曲瓊
舊名半壁果誰名
行宮獨出翠雲迴

秋日重來碧宇橫幾度詩題周八柱

後建石亭題向作刻之已遍八柱云

此間心跡信雙清自惟所異當年者兩鬢稍添雪數莖

官柳

官柳絲絲翠影籠兩三葉乍落西風自從始種今喬木
十五年光想像中

陰

遠山雲氣吐傍晚成薄陰邇來干熱劇僕役苦汗淋農
夫喜秋長蕎菜苳森森明知所憾多何必齊人心小雨

亦云得爽拂征人襟夏初每逢旱秋初恒懼霖此時大局定稍免愁懷侵

祖逖墓

佳城之人云姓祖考蹟畢然興望古越石竟讓先著鞭尚憶聞雞共起舞飛揚意氣亘千秋終不能埋三尺土

過拒馬河

潭清潦水盡風颯岸莎萋野况隨時攬詩懷觸目題長橋分浦卧一徑入烟低秋景常年遜民情我澤後渚村

薄有獲山澗本無隄載咏河之水

戊辰秋度此作
河之水三章

悲心

蚤向西

寒

曉日銅鉦雲裏看官郵爽氣拂征鞍
遙峯昨夜應經雨吹落山風著體寒

九月朔日作

逶迤度村郵觀民轡每留黍稌饒
稔獲風物報深秋此處差堪慰他方更厯愁

橋山直西望未到淚先流

雨

野甸雲低陣秋空雨乍飛
晚禽尋密葉征客換綿衣
候逼新寒峭
滕欣宿麥肥
遙聞湘浦鴈
此際向南歸

秋瀾村

秋瀾村畔俯秋瀾一色長
天潦水寒素節深時來別館
澹烟凝處露遙巒
泛茱况復臨重九
作記因之憶子安
墻宇何須事雕峻
較於容膝已為寬

雨中過易州

一夜秋霖朝未已行旌早發難中止况復詰旦謁

陵園舊頓從容非其理有豕白蹄丞涉波輜重崎嶇度
泥滓雨衣不漏憶譎諫尋思此或異乎彼尚幸行宮程
匪遙約計僅一由旬里雨中策騎過易州戒飭避濘踐
麥疇有來大吏道左跽請罪除治恐不周笑而謂之無
所慮已苦斯民重剝修習勞問俗

祖制在風雨豈為安逸謀東巡西狩歲無休知我罪我

惟春秋

石門村

山村秋日又經過已播秋牟早獲禾鉢騎不須遮父老
欲詢生計近如何

西北風

今年每盼西北風都為溽暑思晴爽昨夜秋霖徹旦零
漸石征夫勞鞅掌縱匪農時猶苦潦忽來西北風生朗
長途定不愁溽泥陡益峭寒又塵想

題永慕齋

行宮倚翠崖永慕特名齋
山色繡屏列溪聲玉瑟諧
慈闈欣每奉中壺更新偕
明日瞻陵闕心遲丙夜牌

恭謁

泰陵

敬陪

慈馭上

橋陵慰愴難為情曷勝縱復三年頻泥首

戊辰己巳及今庚午凡三

詞陵寢

每教一去輒填膺茲來允為蘋蘩繼

繼冊中宮特行展謁

禮

自昔常慙統緒承設以微躬論遭際

於昭顧謾感應增

鴈

燈窓向夕杪秋清遙聽征鴻三兩鳴春北秋南誰與約

霜寒月澹若為情石渠畫省無窮意

石渠寶笈藏邊景昭羣鴈圖

玉

岫絃傳第幾聲

前歲命唐侃於香山玉華岫彈平沙落鴈之操

憐汝稻梁隨處

金史紀事本末卷之二十一
卷二十一
覓今年稍喜報西成

恭謁

秦陵禮成轉旆易州卜征燕豫景澄西顥風爽金輿載
覽登秋興言裁什

展禮謁

二陵啓途巡九洛前辰雨灑道茲時潦歸壑風寒冷斯
未地濕塵不作行行度燕墟召澤想何若樊館及高城
傳聞疑信錯太行之左麓高原秋有穫是用慰予心予

豈有他樂

燕昭王故城

雉堞荒頽存土郭，便千年樹亦新林。
郎山只有清秋月，曾照當時圖霸心。

四賢歌

燕昭延士始，郭隗涓人買骨自。
為媒築宮師，事禮數倍趨燕遂。
致翩然來亞，卿事業頗偉。恢趙楚，韓魏合從偕。
下七十城五歲纔，薊丘之植汶篁栽。
田單反間惠王猜。

木必先腐真惜哉劇辛自趙騁辯才龐煖易視背交懷
喪師二萬身亦災鄒衍闕論類詎諧先驅擁篲碣石開
主運而外他無裁尸祝至今四賢皆望諸事業誰能儕
或者市名意本乖令人三歎黃金臺

安肅縣咏菘

山縣民風與古皆灌園野叟足生涯彥倫到此應增戀
霜脆甘菘味正佳

誰道江南足晚菘

江南有菘江北有蔓菁舊說相
似而異今安肅菜即江南菘云

綠瓊

滿圃秀金風田家滋味僧家畫

僧人多有喜畫菘者

野意何妨六

膳充

髯老羔豚頓置渠較於藜藿定何如性偏見說嫌形穢

退食難逢下箸餘

史貽直性好潔謂菘澆糞而壯不食故戲及之

武帳

歷頓行宮遍初程武帳臨向方全似舊啟處恰宜今新

月冰

去聲

窓紙秋風促帛砧每殊觸目景不易愛民心

題臨漪亭

臨漪古名蹟清苑稱佳構源分一畝泉石間飛瓊漱行
宮雖數字水木清華富曲折步未欄波心宛相就四面
足瀟灑一笠非儉陋竹素暫游託民瘼乃深究曰惟有
休助是用重巡狩

新月

野曠清無比秋深光倍寒桂香思節過菊瘦待人看謾
惜如鈎細行當並鏡團嫦娥三萬歲少似李金鑿

保定道中作

入夏多霖漲水流民艱南望不勝愁每每所歷原登穀
意外欣遭為解憂

廢城故邑每經逢舊蹟多湮考莫從獨有保陽傳養老
高山景仰聖堯蹤

就潤翻犁退潦田早看撲隴麥芊芊農功終歲真無暇
冬雪春霖望倍懸

衆春園

建置何分李

昭亮

與韓琦

琦

名園輪奐喜重看

畧為

葺之

修

盆中

雪浪水之變

益內刻蘓東坡詩云
盡水之變蜀兩孫

齋外霜華氣已寒畢

竟千秋有公論且教一晌適清歡前年圖取人何在

丙寅

冬經定州未至此園
命張若靄圖之以歸

四句金剛如是觀

詠蘓軾雪浪石

白石盆中浮雪浪髯翁遺跡入評吟頗誇南北八州牧

東坡詩云八州憐我往來頻注云密
徐湖登杭穎揚及定武凡八郡守

豈惜清華二翰林

年譜以二學
士出知定州

早是奎星獨稱古不然山骨獨羶今如坡

不乏遭沉滯鑑取人明惕我心

雪浪石四疊蘓東坡韻

行或使之止或屯內相外牧何卑尊賈誼明時乃可惜
屈原澤畔時原昏牛刀不妨一小試况茲百里聯鄉村
前年中山策馬過傾頽百雉未入門北門學士

謂張命若

命

圖取展開幾度清吟魂鳩工發帑事版築驅除狐鼠芟
荆根衆春花木復舊觀清秋風月移新痕時巡嵩洛偶
駐蹕一拳坐對堪評論橫盤硬語走健筆叫絕起拍蓮
花盆歲月詳識笑多事

披詩云四月辛酉紹聖元

高風千古存乎存

和蘓軾刻盆石詩韻

鵲渚騫謁天帝孫支機持走歸中原玉局胡乃公案翻
曰此中山有石存置之平几承以盆作歌七字探天根
雷門布鼓予綴言走筆趁韻賡其元

曉發定州作

翠罕名園駐衆春南瞻伊洛待時巡蘓才韓業一青史
明月清風兩故人

是州二村名

茅店烟寒秋已老蘭衢露重

曉無塵依然前歲中山路幾見盈寧化被民

暖

秋深候應涼南向地頗暖午陽熱每劇薄寒惟早晚行
人爽已披農夫願方滿晚蕎猶在田霜遲獲無損事固
鮮兩美欣茲實兼善

九日幸旺泉導醴亭登高

東垣古名郡沃野耕桑稠沆泉隨處溢水利良足修斯
泉獨名旺久藉溉田疇歲遠惜湮廢疏濬法宜求高斌
建鉞時承命相視周淤者剔其源塞者鬣其流至今宛

成渠餘潤資耕耰為亭其旁阜曠朗暢遠眸名之曰導
醴意取醇飲投今日是何日古制登高丘適值駐翠蹕
於焉詠來游曉陰忽開霽少皞行金秋拾級扶朱欄濯
清俯綠洲黃華纔綻葢霜遲露顛浮但得有菊意佳品
何須掇暢眺謝龍沙走筆懷滕樓來來汝大吏供帳勿
華優苟為事虛文負芻譏反裘農功願允愜佳節景并
酬故事高商廳權城佳話留

真定隆興寺疊舊作韻

董子有言尊所聞佛家者流稱世尊儘有儒名而墨行
不徒守說惟空門昌黎闢異友文暢相從坡印如龍雲
高人遊戲無不可豈其迷彼因果輪時維九月復九日
三秋令節懸晴旻言巡嵩嶽此駐節觀者如堵紛紜紜
佛香鴈閣一縱眺烟低近遠村莊分恒暘尚幸薄有獲
茅檐鮮歎生不辰按轡頻經問民瘼霽色底用嚴如神
行宮西側近數武從容畧憩閒齋身便進大吏數疇咨
民安物阜休云云今秋西成究遜昔詎乏釜魚及甑塵

芊芊隴麥明歲食護惜早飭羽林軍冬寒窘迫恐應甚
數事時厓子思存登高攬勝聊循例問闔疾苦憂懷真
大端我示推行爾及爾有司詳討論散金莫惜庫所積
散粟莫吝倉之陳不須救度資佛力但能綏恤民如春
真定行宮晚坐疊舊韻

小坐復今夕閒情憶向年勸

餐非昔侶

丙寅年來此
孝賢皇后相隨

舉案是新緣燕蹟仍伊舊

是寺

為慕容燕龍
騰苑舊址

潘懷祗自憐金容叅咫尺未得了明禪

閱兵

詰戎伊古重爽值九秋天氣霽礮聲壯雲開旗色鮮
聯營團寫月馳道直抨絃廉李遺風在干城尚勉旃

題隆興寺畫壁

前度權城臨小春佛香高閣參金身綺語破戒贊相好
七字韻脚通元真信宿駐蹕促歸轡未及遍覽菴羅園
茲來秋日多清暇乃得一一探其源調御丈夫固拔萃
前廡畫壁尤絕倫四十九年無一字源流十二誰所傳

淨飯王宮生悉達天上天下稱獨尊乃至徘徊雙樹下

終不生心轉法輪

文殊請佛轉法輪佛云吾四十九年未曾說一字乃令我轉法輪耶

圍

繞純陀及迦葉恭敬帝釋人非人土伯九約角鬻鬻乾

闍八部猊旻羅刹敦服亦聽法蒙俱牛首咸來賓須

彌四面面各色其間衆類紛紜元蠶赤蟻蟠曠宇鬼

母產鬼還為殮延頸舉踵望悲護圓光遍照何冤親異

哉幻境無不有難執名相徵文言畫師乃不識名氏想

因薰習如來禪知微畫像必齋戒

孫知微字太古每畫聖像必齋戒疏淪方

援筆 山東法傳楊契丹兩家手蹟真偽半未能到此窺籬

藩趙州古寺壁間水相傳作者吳道元此去趙州百餘

里同時留蹟何疑焉但看一筆揮圓相風落電轉誰能

然畫斷吳生畫圓光只一筆風落電轉規成月圓此畫當作吳畫觀無傳摩詰

思開元東坡有王維吳道子開元寺畫詩

閱滹沱河隄工 有序

滹沱河本無隄以其流漸逼城高斌總督時奏建
封壩禦水非如永定兩岸長隄東之行也十一年

閱視時有堯灣吸水流處畧經指示建壩挑水今
已淤沙可耕而河流遂向南徙矣兵民建坊頌德
夫河流無定南北亦其常耳固安亦吾民今夏隄
乃潰決豈朕厚於此而薄於彼耶既以成詩並示
直隸諸大吏

前歲視滹沱近隄虞侵城今歲視滹沱隄脚淤沙平臨
流施網處秋麥芄新耕復見好消息中泓向南經北隄
免衝鬻萬戶慶居寧建坊舊駐所感德由至誠維予自

忖度轉覺愧慙生一時偶指示詎有安瀾能設能迴狂
瀾永定相視曾夏霖乃潰決迄今隄未成是河亦渾流
來往歲每更所幸有餘地不與水相爭長隄護城止曾
匪東之行居功而諉過中人以下情我常惡彼為何須
揚頌聲

趙州柏林寺小憩

禪寺曾聞古趙州便途探蹟正清秋虞碑字具龍鳳勢

寺後殿前有石甚古刻虞世南攀龍鱗附鳳翼六字

吳水體兼文武流

左右兩辟有吳道子

蹟一畫文水

白鴿下無經可聽

是寺乃禪院不以持誦為重且祇數僧頗廢其

業金輪煥是聖重修

雍正年間曾重修之

笑予柏子曾叅熟不識

庭前樹是不

九月十有二日途經趙州小憇柏林寺閱殿壁吳

道子畫水舊蹟名扈蹕文臣梁詩正等刻畧聯

吟禁用水部字

御製花宮來九月穡寶登三秋唐壁懸吳畫

香林駐

御駟塗堊粉痕古縱橫墨暈稠具體文無武

臣梁詩正

御製 搖毫放更適嘗間工變相今見跋陽侯禁體例癸亥

癸亥年登澄海樓與張照梁詩正聯句亦禁用水部

強韻追應劉佛日光皎皎仙風響颼颼咫尺論萬

里

臣彭啓豐

御製 筋力迴千牛或靜符地德或動與天遊翔陽常逸駭

罔象窮冥搜十指捫欲縮雙睛眩難收能事開元

埒

臣劉綸

御製
竒觀廣陵伴兩孫彼固遜一勺吾將投茹納百川此

髣髴三島不鏡象掃塵劫坳堂參芥舟乾維擅密

運

臣梁
詩正

御製
坤軸環遐陬龍門啓峯嶺鹿苑騰蛟虬曠哉八功德

邈矣大琉球砰磕撼素障縹緲凌丹丘那得并州

剪

臣彭
啓豐

御製
何必中山求
謂定州
雪浪石
馮夷方擊鼓乾闥將成樓隱名

名越顯

繪聲聲若酬魚龍卧豈穩雲夢吞應愁萬斛斟

天筆

臣劉綸

御製一晌停吟眸含虛體無物攻堅性不柔因喻致治理
持盈保天休

趙州道中作

常山初駐翠華旃老幼瞻依夾道填饑食寒衣均在念
車塵馬足共摩肩幸逢四海方無事益切三時祝有年
慙愧問闔心愛戴侍臣勿用紀青編

再題吳道子文武水

壁端祇慮天瓢瀉千年不竭真神也伊人心自別高下
堂堂王道驩虞伯叶滴沕滉養無冬夏葆孕龍宮及鼇
駕叶石渠各種空傳馬石渠寶笈藏馬遠各體水真蹟日月出矣燭火
捨大士如如塵不惹宴坐道場功德灑

光武帝祠

漢鄆縣今在趙州柏鄉之間

趙

蛙聲紫色不堪論泱髓高文累葉恩千古中興帝首出
秋風斜日廟仍存手提三尺知兵要身致太平究治源

望漢臺今何處是村民伏臘自羔豚

菊

今年秋暖菊花遲破萼重陽纔數枝乍爾掛鉗酣放候
依然行幄未逾時底須節物尋陳迹且喜風華引遠思
獨笑柴桑更無酒影形索莫繞東籬

邢臺道中

跋馬邢臺歷古郵朝暎暖泥露華浮漫懷霸業尋遺略
且喜原田穫稔秋冬麥青葱芄四野南畿風物近中州

民間疾苦予心厖計里遲聽轡每留

題宋璟梅花亭

東川成賦後此處有亭留梓里餘風遠梅花古調幽誰
歟憑點綴乍可適歌游繞砌寒英綻平池活水流才華
唐豈乏忠亮世稀儔儷句尋廊讀

廊間嵌石即
刻梅花賦

端知氣

味投

宋璟祠

驛路秋風度古裏叢祠遙見柏塋旁生平事業期房杜

身後調和恨李楊三代斯民由直道千秋名相示周行
魯公響搨碑重讀氣味相投要在剛

邯鄲行

初過邯鄲城因作邯鄲行邯鄲古來佳麗地徵歌選舞
搨銀箏邯鄲城中富蠶作蠶月條桑綠陰弱羅敷不顧
五馬迴倭墮畏風春帔薄邯鄲復多游俠子鳴鏑離弓
雙兔死歸來意氣猶未已擊鞠呼盧侍羅綺美酒十千
醉不辭魚鼈膾鮮鯉于今城市尚依然村民但知

勤種田叢臺下渭橋邊豪華瞥眼二十年返樸還淳此
或賢

登叢臺極目

傳聞好事說叢臺勝日登臨霽景開豐歲人民多喜色
高樓賦咏謝雄才襟漳帶沁真佳矣雪洞天橋安在哉
烟樹迷茫間井富為籌元氣善滋培

恭題磁州

御射亭

皇祖西巡迴蹕射柳於此爾時大吏建亭紀績景仰
德威益凜繼述

射柳名亭氣象雄千秋

聖日照臨中肯教貞觀專前美真令由基拜下風安不
忘危四時狩所其無逸萬方同孜孜繩
武心恒篤未敢亭前一引弓



御製詩二集卷二十

總校官庶吉士臣侍朝

校對官檢討臣郭寅

謄錄監生臣劉書

謄錄監生臣藍嘉瑄

欽定四庫全書薈要

集部

御製詩二集卷二十一



詳校官原任編修臣徐立綱

欽定四庫全書薈要卷一萬三千三百四十八

集部

御製詩二集卷二十一

古今體一百十首

庚午八

過漳河初入豫省即目成詩示撫臣鄂容安

水分燕豫提封制度周當秋巡狩處自古帝王州務

本民風厚崇廉吏計修益須持後效方足慰先憂休助
予常切旬宣汝善求滌場欣遇稔供帳戒從優河水安
瀾遠嵩陽瑞靄浮閭閻疾苦隱道左共諮諏

豐樂鎮

一橋接兩隄兩省限一水迎者既紛來送者亦旋止守
臣有爾我予心何彼此周禕寰海內孰非我赤子中州
乃初至按轡咨民事叶夾道老幼填瞻就近尺咫蠲租
早頒詔賜金每問齒笑譁奚必禁奔走紛未已其數無
慮萬一一色含喜嗟予有何德子來乃爾爾寒所衣者
布飢所食者米比戶日所需直貴固其理既庶而既富
曰教思所以擾之愛亦害循之順匪弛是處名豐樂高

廩慶亦有叶顧名心倍欣熙世無過是伊洛周鄭間結攬從茲始

安陽道中覽古

翠罕度安陽秋暄曉露瀼韓陵一片石畫錦數間堂建置相還鄴軍期項與章考尋間按轡要務讓農桑

演易臺謁周文王祠

洄蕩之間曰美里演易聖人昔拘此天高地下皆易理彖辭闡發權輿是天王聖明罪當誅千載而下真知己

巍巍之臺近尺咫夙凜師承惟四字

叶常謂文王視民如傷四字足為

千古帝王心法

無憂其常憂暫耳王季為父武王子牧誓諒非

心所喜叩馬村在河之涘夷齊首肯吾斯語

叶

經岳武穆祠

翠柏紅垣見葆祠羔豚命祭復過之兩言臣則師千古
百戰兵威震一時道濟長城誰自壞臨安一木幸猶支
故鄉俎豆夫何恨恨是金牌太促期

夜雨

夢迴武帳聽涇澍借助風催峭冷微跋涉為塵征馬瘦
雨寒則草衰故馬瘦滋培亦慶宿牟肥

曉行

雲斂豫天晴塵清鄭野平真成灑道雨不礙省方行疾
苦咨民瘼歡娛驗物情德車憑覽處侯度凜持盈

淇縣覽古

河洛省方初秋遲暖律舒紅橋渡淇水綠野紀殷墟綫
弱風前柳針長雨後蘧從民每乘騎暫可謝輕車
豫省
觀光

之民益多於直省蓋以初至也若多乘車則有
歎不得遂願瞻仰者故每乘騎以從民意云

燕去鴈來初問閭氣象舒古來猶沫土此際已良墟社

祀衛公武村傳君子遽千秋彰渾在何必便迴車

用朝歌墨

子事

射

省方展休助較射習勤勞繩

武心恒切穿楊興共豪流星貫

平聲鵠的滿月引烏號觀

德威儀秩其爭君子曹

過殷比干墓

天地之經君臣之義貴戚異姓同歸一致與社稷共逝
將焉避孰丁其難孰丁其易嗟哉斯人遭殷之季罔為
臣僕先王獻自披瀝以陳甘於殞棄五畝佳城千秋弗
墜夫子適周載經柏隧早許三仁詎惟四字

謁衛源祠

駐蹕蘓門下躬瞻清衛源地靈神以妥派遠物蒙恩百
顆珠呈球一泓月貯痕流淇潤桑土利澤永中原

登嘯臺有作

太行秀迤蘓門山宜為隱者所盤桓
我來深秋氣蕭霽曠懷以上千年間
辭騎屨步陵宗巒憩藉猗靡之臯蘭
謾謾天風吹鳳鸞即遇公和相周旋
清激嘯旨我不解慷慨嘯理我或閑
嗣宗猖狂豈能攀詩留片石飄乎仙

題安樂窩

前者周程後者朱同歸何碍却殊途
深知天地理數蘊不作語言文字儒
試想安貧樂道趣常依月到風來湖

嘯臺近在烟霄裏異世芝蘭結契無

駐蹕百泉作

清蹕來遊衛水源小加構築儼林園洛中名勝山川秀
秋杪風光松菊存座俯滄池下鷗侶階含碧蘚育桐孫
讀書近溯周程旨恰喜明窓暖日暎

半頃明湖綠竹圍衛詩風景尚依依大珠小珠玉盤落
智樂仁樂逸興飛竿綫不期魚受釣樊籠獨惜鶴思歸
巡簷更讀前人句却似韓陵可語稀

竒樹歌

有序

百泉多竒樹然不過曲拳輻輳貌古形詭而未始
離夫木也惟此樹其根盤錯多穴望如淮石亦有
石子礫塊蒼皮間其上則扶疎老幹依然嘉樹深
秋葉落不知其名問之云阜英百泉竒樹無復竒
乎此者矣既命筆為傳其神復成是歌題於上而
識之

久竹青寧古或聞異哉此樹非木羣木乎石乎難疏分

我忽逢之清衛濱下臨流水上千雲盤根錯節如髡屯
兩株直聳擎輪囷華清一樹其子孫小試成仙左騎軍
興來命筆傳其神

白雲寺

入山秋色佳到寺春陽煦匝匝圍玉屏並虎張錦樹
竹徑穿雲出禪房花草菲階前一泓水去作垂虹飛
一庭柏樹青千嶂楓葉紫平原逾月行今朝見山喜
靜室纔十笏好山具四隣當年誰結夏無著與天親

巖凹藏乳竇竹底盼烟郊斷缺唐碑在猶然稱白茅

是寺

唐時名白茅

明季改今名

少坐清有餘便去興未已迴視失招提鐘聲白雲裏

加免獲嘉等縣今年秋收稍歉者租詩以示地方

吏

我過直隸時蠲租別次第豐收普免三歉收更加二前
臨豐樂鎮憑輿覘稔歲是用生歡顏免三均示惠邇日
導河北觀民每駐轡沙田餘穉苗場圃鮮碩穗問知秋

雨稀穀價因以貴休助有古訓加蠲亦近例亟頒十行
詔更勅一方吏惠民不吝恩施恩善推類

七賢詠

嵇生放達意真豪嗣宗青眼誇神交啓事吏隱何妨濤
沛國豫流形陶陶向秀佐鍛鑪錘操小阮不愧玉樹曹
阿戎清爽舞濁醪竹林之遊芳躅高延之過激由去朝
五君成詠寓貶褒我過山陽望古遥土阜惟見橫岩堯
猶使逸興軒軒飄

清化鎮

清化近覃懷溝渠引丹水頓覺風物佳西成頗豐美跋
馬路無塵熙皞樂井里高樹柿垂丹疎林楓染紫矮屋
曲籬間綠竹黃花綺就溪翻水碓碾出長腰米芄芄麥
被隴餅餌明春拍前者山田旱切切愁無已加蠲今歲
租庶冀民瘼起都無兩日程稔秋乃異彼老幼多豫色
吾亦生歡喜喜愁非無恒因民豈為已

登月山寶光寺

月地由來號月山蜿蜒一逕入雲關真成七寶光無定
消受三秋趣以閒平野色含菁峭外飛泉聲在翠微間
心疑開士幽居處欲辨殘碑蘚已斑

駐蹕竹塢

竹塢覃懷勝清秋說六驂筠篁突淇澳風景似江南引
水村春熟垂林野實甘惟應與休息循吏孰龐參
盈耳間蕭籟延晷舞翠虬更無塵可避惟與靜為謀疎
間黃花放澄臨碧水流瓊廬移頓屢是處占清幽

渡孟津河恭依

皇祖元韻

方舟氣霽潦收天後海先河凜

祭川所奠安瀾九曲水永寧率土萬家烟

萬家烟火隨
民便

祖御製句也太和融益每
歎以為千古治法無過此嵩山太少修

殷祀澗水東西祝大田芝篆豐碑重捧讀益欽繩繼仰
堯年

渡河舟中作

惟天有漢地有河其源則一理豈訛時巡嵩洛初渡過
清秋浪靜暄日和樓船捩柁發擢歌濤聲砰磕鼓靈鼉
黃頭相顧喜色多訝逢希有之恬波我昔澄海縱遐眺
此輸彼受均難為叶壯哉大觀抒雄哦

題洛陽都亭

洛陽都亭名自故云是文紀埋輪處豺狼當道置狐狸
十五事陳逆當路王家炯鑒何曾悟連踵雲臺身犯霧
鳶肩豺目志跋扈廣陵出守單車去尚勝杜喬及李固

位至三公乏匡助瘦死獄中應悔誤

洛陽道中八韻

朱暎麗雲罕絳氣拂星旃喜色盈茅屋歡心歷麥田榮
光直北望華蓋迤南連百雉今雄郡三河古帝廛翻經
白馬寺呈瑞玉雞川柳綠搖秋暖菊黃擎露圓山猶圍
闕塞莊已失平泉為想衣冠會深思治亂緣

香山寺雜咏

華榦西來走嵩嶽龍門中斷放清伊果然佳景無窮盡

潑眼驚看此最奇

依巖古洞號賓陽
乳竇冬溫夏却涼
龍口噴成珠瀑落
逝將學海一川長

畫舫撐過伊水平
向來小坐白雲橫
叢篁深處飛欄外
留我敲吟一晌情

攀躋直到香山寺
尋遍殘碑可惜生
內翰書屏猶述古

尋白居易記已無存惟餘近年間翰林

汪士鏗所書居易香山記刻於屏間

一番讀罷見交

情白居易修香山寺記云予為微之作墓誌元氏具銀幣鉅萬志謝予念平生分堅辭不獲乃迴施茲寺

題香山寺二首

龍門凡十寺第一數香山自古才華地當秋旱蹕閒闕
峯迎截薛伊水俯潺湲始見人楓葉霜前三兩殷
靜室暫周旋興懷每畢然如斯看水逝不改是峯連畫
意誰能貌吟情祇合蠲慮輸白少傅已著祖生鞭

登緱山極目

緱嶺龍嵒嵩嶽連傳聞子晉此昇仙割來太室三分秀
望去清伊一帶綿歡豫民情他閭苑菁芊麥色我芝田

孜孜求治猶多愧無暇重繙學道篇

少林寺作

少林千載寺少室一房山禪悅偶重叩

雍正年間曾蒙
皇考指示

禪宗妙諦而此處又
為達摩面壁處故云秋巖此乍攀樹姿紛綺繡澗響靜
潺湲却見來時路轆轤雲外闕

題面壁石

大地那非碧眼僧九年面壁却何曾
宋雲道是逢葱嶺
五葉原教到慧能片石無端留色相
千秋不必考明徵

我非見布疑贗者畫取由他故事增

石中隱隱具初祖
面壁之相或係偽

為而神采渾穆特
手為摹本以歸

宿少林寺用唐沈佺期韻

明日瞻中嶽今宵宿少林
心依六禪靜寺據萬山深
樹古風留籟地靈夕作陰
應教半巖雨發我夜窓吟

雨

止頓暮山蒼秋霖入夜長
慣經曾塞北初值此嵩陽

塞上

山靈者經過必遇雨
雪茲至中嶽亦然

詎止湔塵淨端資潤麥香

途中見
麥苗頗

待澤茲雨實
有益田功也

來朝林外路馬上試新涼

會善寺

外方多寶地淨域闢雲關
自占山川秀遙看花樹殷到

來塵念息試坐穉冬間

時十月朔日

紺宇怡神靜丹梯舉足

攀龍池噴德水鴈閣禮華鬘
太少無窮奧於茲見一斑

嵩陽書院

書院嵩陽景最清石幢猶記故宮名

舊名嵩陽宮宮前石幢載唐明皇求

仙得藥事

虛誇妙藥求方士何似菁莪育俊英
山色溪聲留

宿雨菊香竹韻喜新晴初來豈得無言別漢柏陰中句
偶成

漢柏行

我曾快讀杜甫詩千秋絕作歎莫比嵩陽今見漢時柏
學步吟懷不能已久與公孫並得名潁川嵩岳近尺咫
潁川馬鬣尚存無嵩岳龍身猶故爾世人安得如汝壽
休論二在一已燬是時雨後涼飈起瀏莅卉歛聲盈耳
金幢玉節舞其翩瑞鳳祥鸞集爰止柏下平鋪金粟紙

寫形要欲寫其理浮丘伯周王子風雨晦暝翱翔是倘
更逢之亦圖彼

謁

嶽廟

正正堂堂地巍巍煥煥京到來瞻氣象果足慶平生慙我

長年願

去年即降
音祠嶽

陳茲祈歲情忽聞鸞鶴韻疑有列仙迎

嶽廟秩祀禮成有述

明禋親舉備宮懸

德並高峯峻極

天秩視三公伊古重名尊五嶽匪今然會其有極
神如在允建於中道豈偏肝蠻願陳心所願篤生申甫
佐蕃宣

登嵩山華蓋峰歌

嵩高峻極周雅談居中鎮東西朔南宇宙以來鮮比參
時巡秩祀駐絳繆殷禮歲事神人快一登絕頂衆妙探
宿咄丹藥求仙蟲無事登封埋玉函侍臣告我初寒添

太空黯黝凝雲嵐我笑謂之正所耽不宜返轡山靈慙
神區與壤貴靜恬千乘萬騎紛奚堪策馬從導路巉
異哉所見真不凡二十四峯左右咸中為華蓋尊且嚴
俯視羅列如孫男不須僂指其名拈少室三十六峯尖
向者背者都包含以河為帶潁為襟叶為唐為宮復為
谿隆崇案衍窳以窳萃律截薛推萎嵌丹黃紫翠青碧
藍聲兮卉歛氣兮醜博大富有莫不兼幻以雲容技畢
單英英靄靄涵曇曇變遠為近夷為險叶黃山雲海歌

德潛

沈德潛近有黃山雲海歌

如遇媯旦矜無鹽泰山昔亦陟巖巖

引興未似今茲酣携來雙鶴其羽旣放去聊任王喬驂

時地方大吏有進仙鶴者携至華蓋峯放之

卓午躡景歸驂驛紛迎老幼圍

層堪警蹕不飭任就瞻尊親亦可民情覘呼萬歲者奚

齋三

新月

雨過琉璃潔入冬蝦蟇冷武帳冰去聲夜窓豫天影遐嶺

怡神在沈寥流瀲契虛靜可惜別嵩門

太室玉柱峯東兩峯夾峙每月

初生止從峽中出志載
嵩門待月為茲山佳勝
未一攬清景

陰

前朝嵩陽雨信靈未及寸邇日歷廣陸掘堞揚塵兮冬
麥始茁苗遍野綠鍼嫩三白雖可待豫立言誠信薄暮
作輕陰冀灑天漿潤無間為民心不已祈年願

駐蹕開封示巡撫鄂容安

修祀迴登封展義臨祥符翠罕今駐蹕雄城古建都故
蹟徵文獻遺風考輿圖所願濡教化豈因限賢愚惟此

中州民尚多淳樸徒平康合正直疇陳良非誣

閱兵

伊古巡方重觀民及詰戎金明習戰舊黃幄閱兵同組
練光爭耀堯螯氣益雄從來安不忘至治默存中

登吹臺八韻

京國探遺蹟豐碑謂已摧何期得古最果足暢今來勝
日停鑿蹕凌晨陟吹臺傳踪思頡曠作賦羨鄒枚

是地亦為

梁王兔園風葉梧青落霜花菊白堆尋廊攬郊郭俯楯極崔

魏杜子真豪矣梁王安在哉無須命長笛為恐豫雲開

是日薄陰頗
因望雨故云

渡黃河

一帶黃河經兩度省方中土記初來風平穩過柳園渡

雲表迴瞻繁氏臺學海波濤不舍耳拍天氣象寔雄哉

長隄烏奕金墉固

河自孟津而下地就夷曠水
勢奔放始有兩岸隄工云

疏導常

懷大禹才

掛鉞菊

緩歷多暄地疎蓼耐冷花迎風謝蝶粉沿路笑霜華西
洛春何在東籬秋尚賒卿雲隨御輦那復畏塵沙

冷

河水分南北寒暄迥不侔風林多落葉曉轡稱輕裘民
瘼殷勤問圖經取次諏廩延經古邑塔影出城頭

題孔子擊磬處

荷蕢人過識有心既譏揭淺屬於深知其一未知其二
玉振金聲冠古今

嵇紹祠

良馬何須急著鞭時遭陽九分去聲身捐應教識聞鳴蛙
者解惜忠臣血點濺

大生寺

秋月安陽路蘭若經未入小陽迴蹕便意行聊訪及龍
宮八部衛鴈樓三十級數間靜室幽竹陰成小立過眼
雲外賞翻覺勞補苴

渡漳河

中土周巡一月強浮橋迴首望安陽往還節換秋冬候
迎送疆分清濁漳拍岸沙痕依次退繡塍麥色較前長
時平到處均繁庶益切持盈祝歲穰

磁州道中作

一道中間柳兩行籠陰障塙鬱蒼蒼往還覲眼何殊觀
去聲霜染長條強半黃

引溢澆田宛樂郊劬農良吏尚傳已

明知州已宗達引
溢水灌田千頃至

之今利欣者納稼崇墉積辛苦宵綯與晝茅

綠水紅橋曲抱原
蝸廬蟹舍貌江村
一鞭昨過誠輕擲
七字今來好重論

叢臺覽古

主父當年志頗雄
覘秦胡服入關中
老來慙愛心猶豫
禍起蕭牆恨莫窮

駐蹕梅花亭因繪梅花小幅並紀以詩

重吟賦句憶前賢
便是無花地亦仙
賸有亭名傳故里

因教畫意補東川

璟序隨從父東川所作

宛然疎影臨清水行矣

明朝隱斷烟俯仰漫須憐往迹風華爾許在詩編

陰

窓引晨光微路分寒墅曉近山多白雲遙宇藏朱鳥英
英意始作靄靄勢方悄低合墟里烟遠暝郵亭道野况
不厭涼冬雪不厭早

憩趙州柏林寺

橫川度石橋古郡連平野尋勝憩征鞍得句向蘭若蘭
若已清幽祖堂况趙州單提及直指要非庸者流香臺

已絕登禪拂率弗舉嗟哉風日下何怪優婆侶翠柏籠
清蔭南榮懸暖光虞字復吳畫與我相徜徉徜徉旋命
馭迴憶秋風曙歷然成往還底是無來去

渡溇沱河

嵩陽瞻嶽返溇水度橋重岸迴全收潦澌流已柏冬柳
黃路陰薄麥綠隴塍封遙見佛香閣疑聞雲外鐘

登廣惠寺多寶塔

高秋結念屬嵩洛行蹕經過謝登攬省方祠嶽次第舉

初冬未覺嚴寒犯滹沱迴度入權城道左精藍一到點

到即不點點即不到為禪宗法印語

住空梵宇青蓮開出塵法相黃金范

千年宰堵高切雲景概近遠資葆檢大茂峰姿在眼散
四禪天樂鳴軒檻杜老慈恩資佛力果然萬慮消憾憾
隋唐奚必究根源往還已復成荏苒豫天趙土指顧間
爾許詩情寄閒淡

命吳應枚圖嵩山華蓋峯仍疊前韻

即景不能默於談昨來瞻嶽洛以南其峯造極愜靜叅

華蓋之下停龍繆償我夙願引我快目所攬結興欲探

詎惟一壑與一岩維嶽與鎮都已函是宜紀詠詩囊添

問上問下隔層嵐其呼萬歲奚足耽無德登封實可慙

不如校景收清恬石磨曲折路尚堪底須鑿鑿劣崩巉

下視羣峭知其凡金臺玉鏡皆峯名積翠咸鐵梁大小皆峽

名殊森巖搥衣玉女不嫁男常有雲物供繡拈嵩門待

月纔眉尖謫仙人宅萬古含大化冥合開胸襟如響應

聲空谷谿侍臣賡韻艱谿窅磨崖擘窠大字嵌他年誰

其青出藍莫使薜荔蒙茸蝕爾枚闕里歸程兼

應枚奉
差祭告

曲阜孔廟歸
程抵真定復命

要當詩畫藝兩覃無舉柱史及瞿曇名

教之中樂無險漫云月窟天心潛大羹有味匪醯鹽試
走健筆為雲巖鬼神入處氣益酣兩行烟柳疎毵毵燕
山趙水迎歸驂長歌還憶陟嶽驛題幀何異書宗堪攜
歸溫室資吟瞻香光家法待更覘

將亦命董
邦達圖之是謂舉一
乃得三

真定行宮即景

升中展義六龍還
小息征塵駐此間
幽室數楹聊不俗
清機片晌恰宜閒
漫拈柏子參真諦
尚有黃花破笑顏
我寄崇情在古月
歷恒沙劫照常山

明窓

侵曉驛程登卓午
行營駐武帳儼書齋
紙窓迎陽煦從
來樂三餘奚必拘
溫樹掛餅菊尚菲
睡鴨蘭堪炷晰理
固忘機研精亦得
趣明朝覓此情迴
首寒烟路

題蘓軾中山松醪賦真蹟卷

中山停蹕憶松醪開卷如親書興豪大令漫教誇裏鐵
曹郎差可擬持螯文章爛豈驚徽纆拄杖投仍起續騷

二語槩括蘓句

雪浪齋前重俯仰髯翁曾此一揮毫

衆春園雜詠

去是深秋來首冬景光爾許異初逢依然只有韓蘓蹟
不改長如磊落松

嫩日文窓散暖光墨壺硯席小徜徉菊光道負重陽節
酣放寒英傍曲廊

七字題盆柳復顏撫吟樂此片時閒異哉駁石夫何幸
得與文昌作硯山

盆池半畝假山圍點綴軒窓入靜機却喜齋名消息好
何當一夜六花飛

書院甘棠景創新衆春來駐小陽春勗茲魚雅勤文行
莫負崇祠並坐人

行藥疊舊作韻

底羨雙葩及九枝卷舒恰適用為宜愛他武帳光如昔

對我宵衣念在茲止麗乎明偏利旅繼騰其照正符離
詩編強半於中得了不相關景與思

再題雪浪石

駁石纔一拳底是難得貨玉局能點金頓使聲價大設
其逢堯舜應即臯夔佐牛刀試一州放浪寄吟課硬語
強橫盤佳句出窮餓用坡語要當如葛天一唱萬人和致
我每留連相期賞重過

過望都懷古

迴鑿經古縣懷古周道左胡乃堯母同易名始自我

名舊

與堯母同子前數年經此易今名

聖母及聖子相望叢祠妥風雨晦暝

中慈孝歡如昔叶蜡臘走鄉農雞豚薦香火三代猶斯

民直道終無墮夸大自名門鉤弋遭坎坷其子胡為情
行權過險果孝武固寡恩呂雉實肇禍

望都道中即景雜咏

背看古邑斷烟蒼十里郵亭不計長為愛寒鴉啼箇箇
分明合作閱倪黃

歸根葉落路陰輕
霜氣侵柯靜
籟生可識元冥
不相藉
傳來峭景先

去聲行程

古戍寒村農務稀
裝棉薄具禦冬衣
艱難傳語材官者
裘馬休誇輕與肥

一帶疎林碧水邊
景光檢校遲

去聲

垂鞭遙看馬耳生雲

氣

馬耳山在縣西北其
峯生雲必有雨雪

更擬含毫詠玉田

題臨漪亭

綠沼紅橋畔
文疏綺薦低
靈源分一畝
解澤利千畦
餘

事饒魚鳥天然具壑谿迴鑿重駐罕觸緒暢吟題
日色上簷多初冬風物和綠筠靜不籟銀水澗猶波古
砌餘苔篆寒禽擇樹柯蜃窓試憑攬比似畫誠過

盆梅

邇日行郊郭頗識冬意酣保陽今說輦喜對盆梅種數
蕊自饒致萬卉都覺凡忘言如夙契得意惟靜耽一氣
真不息大哉乾元含

南城

道旁古南城城廢存土阜云宋拒契丹築此夾河守和

金計滅遼唇齒患互受外夷尚知此

謂高麗對宋使言

小利目

前取詎惟失河北汴亦不能有國勢成積弱况復政多
咎方士及權姦豈堪俚指數叶虛內乃貪外屋豐閭家
部五國固其宜炯戒傳不朽

曉行過安肅

霜重日華明鳴梢過遂城寒村烟靄合野景畫圖橫民
氣雖非饑秋收底覺盈勞勞常厓念米價幾時平

雜言

潦退地淤肥秋麥已遍布
芄芄被畦生意夾兩路
乃知造物恩盈虛無極數
額手為民慶敬勤益滋懼
近畿景率同明春耕不誤
天津原澤國却聞困沮
如昨來苦塵塼望雪為
趙豫安得如予意時若
均處處

撫三友軒真蹟各題以詩

曹知白十八公

問余底事是便宜到處圖書得自隨
曹氏五鍼傳粉本

漢家一樹引遐思

近在嵩陽書院
曾圖漢柏一株

趙雍枯槎寒篠

元人君子林凡七
種竹今祇做其一

君子林中貌一家石邊老榦故槎枒
昨從淇澳觀如篲
阿那烟梢指似耶

吳鎮老榦梅

合卷無須泥宋元

宋元梅花合卷凡
三種茲亦臨其一

小吳風度宛然存

廣平故里新留蹟

昨過宋璟梅花亭書其賦
并繪梅花一株勒石壁間

同異誰能

下一言

燈窓

燈窓我所耽，冬夜清更永。
羣籟一以息，周廬四顧靜。
武帳不受風，文疏未覺冷。
適已安足侈，度人亦頗省。
策府在我几，千秋法戒炯。
秉燭匪為遊，觸緒常懷警。

霜

青女將霏雪，嚴霜豫試行。
未垂千樹玉，先放一天晴。
諺云

嚴霜出
暖日

曉履村橋跡，寒鐘野寺鳴。
鋪原渾有質，降宇却

無聲。著處侵肌冷，看來照眼明。
白琅何足羨，紫塞獨關

情

讀史漢書有感

兩人促膝語彼此不洩露所語竟誰傳而史以為據甚
至惟一人心跡隱未吐祇恐他或知炳然乃傳後叶發
潛信賴史紀訛亦屢屢盡信不如無不求甚解悟此皆
非常人卓識有別具固遠不逮遷翻訛有抵牾叶後人
復不逮而更妄非固嗚呼聖賢門却成是非路

過涿鹿

畿南名郡古稱雄
歟後問闔景尚融
未窘幸逢連歲稔
其蘓要祝次年豐
冬來比戶棉粗具
潦退平原麥倍芄
老幼迎鑾歡不識
爾恒疾苦我心中

弘恩寺小憩

花宮旖影颺宗風
丈室清幽有路通
靜試茶經方陸氏

笑叅柏子是從公

趙州從諗禪師示人叅庭前柏樹子

果然別洞天人到

且喜小陽春景融
依舊孤雲和片石
每尋色相了無同

廻鑾奉

皇太后進宮之作

展豫巡嵩洛廻鑾奉

壽康三呼

遐算祝九曲瑞符彰不狩安知外惟勤所戒荒鳳樓五
雲表藹藹萃千祥

恭送

列祖

皇考

實錄

御容及

玉牒至盛京

尊藏卜吉啓程辨香致敬

豳沛陪京地肇茲王業興

二陵欽陟降萬代謹繩承於鑠

帝居壯允宜

神御憑宗枝綿

玉牒

寶錄燦金繩齋送垂儀典瞻依矢惕兢皇圖開奕葉

家法示孫曾

命董邦達圖嵩山華蓋峰再疊前韻

周禪瀛海逞辯談強分疆界朔與南運諸掌上默以叅
何須遍歷揚旂終其間民物戚及快用懷康乂時籌探
省方詎惟賞川岳曰有深義於中函鼓舌底慮浮議添
秩祀獄廟瞻遙嵐華蓋左右飛興耽竟不能登我實慙

山靈雲物意趣恬投我無報其奚堪仄徑追攀未覺巉
造極下視殊仙凡空谷有聲應速咸剛柔合德均寬嚴
大矣時義稱少男盪胸決背供吟拈無所假藉羣峰尖
天中衆美已畢含百五十里敞神襟虛牝瀕洞氣長豁
廣生博大穹窿窅飛泉漱石玲瓏嵌幾曾點綴資精藍
道之猶覺齒頰菴應枚小試霜毫兼亦云其可力已覃
譬之言佛必瞿曇是理易喻非竒險孰抉竅奧開幽潛
如恒河中投升鹽爾達素工為雲巖定當技癢落筆酣

松窓月影寒
穆穆靜觀絕
藝誰方
驂使我興在
驅驪驛
曰某層峯曰
某堪一一聚
米同親瞻陳
迹俯仰頻懷
覘
快哉長韻賡
其三

恭瞻

皇史宬

五代神謨秘典垂

崇宸局鑰壯鴻規
蘭臺令史無慚筆
綸閣元臣有職司

內閣
所掌
百世聰聽欽

寶訓萬年永茂行宗枝

玉牒並藏於此

瑤函金匱前朝制殷鑒

兢兢念在茲

偶為梅竹雙清圖用王世貞題王冕吳鎮梅竹合

卷韻

今秋問俗燕趙以南豫以北頗慰觀民富孳息浮洛祠
嵩諸務畢攀躋直攬華蓋峯尖碧駐罕淇澳前迴蹕廣
平後一時餘事寄翰墨却喜攜得雙清友旋歸溫室未
踰旬日日来往吾心神似欲倩吾寫生面不須假藉虬

松鱗因檢石渠寶笈所葆秘恰得吳王合作手蹟真仲
圭學得仙人縮地千里為咫尺竟置清淇在几側元章
更以文貞鐵石肝腸作胸臆居然鄧尉傳本色明窓日
嫩小陽春是一是二煩叅論後來好事琅琊君雄材麗
句驅紛紜我無元美便便經史麓又謝吳王落筆光射
屋乃今撫其合作賡其吟翻愧當前對珠玉梅香竹韻
總道腴詞壇藝苑有是夫都來薈萃成吾雙清圖窓外
十八公省乎相者伯仲原不孤

冬至

南郊

瑞葉霏微達曙連
正逢陽復祀

皇乾益增虔意升
紫燎敢即紆心卜
麥田大禮躬親今
十五威儀敬慎古
三千

慈闈明日稱觴慶
介壽祥徵亞歲駢

壽五弟和親王
四十壽辰

灰飛緹室應書雲
遐算添同刺繡紋
邸第良辰欣有慶

天倫至樂貴無文樽持北斗傾紅友詩擬東坡壽卯君
從此每逢開表歲棣華歌繼九如間

雪後瀛臺即景

積素林巒石徑斜和晴纜放早蒸霞三冬望澤憂勤切
六出迎年景物嘉圓嶠風微花破萼藍田烟暖玉生芽
湖山韶秀清遊適書屋擣毫紀歲華

除夕

餞臘迎春節宮墻日影斜素梅舒砌萼紅燭卷盤花底

藉增篇什惟因紀歲華
柏枝勝沉水此是吉祥霞

御製詩二集卷二十一